

# ତିମଥୁଙ୍କ ନିକଟକୁ ପ୍ରେରିତ ପାଉଲଙ୍କ ବ୍ରିତୀୟ ପତ୍ର ତିମତି ହାକ୍ ପେରିଡ଼ ପାଉଲାର ଦୁୟ ଲକ୍ଷମର ଚିଠି ୨ ତିମତି ଚିଠି ବିଷୟେ ହଃଦେକ୍

ତିମତିକେ ଦୁୟ ଲକ୍ଷମର ଚିଠି, ଇରି ପାଉଲ ତାର ତେଲା ତିମତିକେ ହଃତେ ଗଟେକ୍ ଚିଠି । ତିମତିକେ ଲେକ୍‌ଲା ହଃତାର ଚିଠି ପାଉଲାର ସଃରାସଃରି ଜିବନ୍ ବଃଲ୍ ଲେକ୍‌ଲା । ସେ ସଃତେବଃଲ୍ ରମ୍ ଗଃଲାର ଜଃୟଲେ କଃଟ୍‌ତି ରିଲା ୧:୧୭ । ପାଉଲାର ସଃଙ୍ଗ୍ ତିମତିର ବେସି ମିସାଣ୍ ରିଲି ଆର୍ ସଃବୁ ବଃଲ୍ ତାକେ ନିଜାର ହଃଅ ବଃଲି କଃଉତି ରିଲା ପିଲିପି ୨:୨୨; ୧ ତିମ ୧:୨; ୧:୧୮ । ଇରି ପାଉଲାର ୪ ଗଟ୍ ଚିଠି ବିତ୍ରେ ଗଟେକ୍ ଜୁୟତି କି ମଣ୍ଡଳି ବାଦୁଲେ ଗଟ୍ ଲକାର ଚିକ୍‌ଣା କଃରି ଲେକ୍‌ଲା । ବିନ୍ ତିନିଗଟ୍ ଚିଠି ଅଃଉଁଲି ହଃତୁଁ ତିମତି, ତିତସ୍ ଆର୍ ପିଲିମନ୍ । ତିମତିକେ ଇ ହଃତାର ଚିଠି ଲେକ୍‌ଲା ବଃଲ୍ ରମ୍‌ଗଃଲେ ରିଲା କ୍ରିସ୍ଟିଆନ୍ ମଃନ୍ ତାଲ୍‌ନା ହାଉତି ରିଲାୟ । ସେତାକ୍ ପାଉଲ ଜଃୟଲେ ରଃୟ ତିମତିକେ କଃସ୍ ସଃମ୍ବାଳୁକେ ସେ ଲେକ୍‌ଲା । ହଃତୁଁ ତିମତି ଚିଠି ତଃୟ ପାଉଲ୍ ମିର୍ ସିକ୍ୟାକେ ଜଃଗ୍ରାଡ୍ ଅଃଉଁକେ ବେସି କଃଉଁଲା ୧ ତିମ ୧:୧୭-୧୮ । ସେ ଆରେକ୍ ହେଁ ତିମତିକେ କଃଉଁଲା ଆଗେ ଆରେକ୍ କଃସ୍ ଆରେତା ୩:୧ ।

## ଇ ଚିଠି ବିତ୍ରେ ରିଲା ମୁକ୍ ବିସୟମଃନ୍

୧. ପାଉଲ ତିମତିକେ ଜୁଆର୍ ଜାଣାଉଁଲା ଆର୍ ତାକେ ସାସ୍ ଦେଉଁଲା । ୧:୧-୧୮
୨. ତିମତିକେ ବାଦା ସଃମ୍ବାଳୁକେ କଃଉଁଲା । ୨:୧-୧୩
୩. ସେ କଃତିଗଟ୍ ତେଡ୍‌ନା ଦେଉଁଲା । ୨:୧୪-୨୬
୪. ସେ ଆଗେ ଗଃଟେଦ୍ ସେରି ତେଡାୟ୍ ସଃଡ୍‌ରି ବାଦୁକେ କଃଉଁଲା । ୩:୧-୪:୮

୫. ପାଉଲ ତିମତିର ନିଜାର କଷତା ମଧ୍ୟ ଲେଖି ସେସ୍ କଣଲା ।  
୪:୯-୨୨

ତିମତିକେ ପାଉଲାର ଆରେଗଟ୍ ଚିଠି

1 ମୁୟ୍ ୍ ପାଉଲ କ୍ରିଷ୍ଟ ଜିସୁରତଃୟ୍ ରିଲାର ଜିବନାର ସଃୟ୍ତ ହଃକାର୍ରେ ଇସ୍ପରାର ଇଚାୟ୍ କ୍ରିଷ୍ଟ ଜିସୁର ଗଟ୍ ପେରିଡ୍ ।

2 \*ମର୍ ଲାଡାର ହଅ ତିମତିର ହାକ୍ ଇ ଚିଠି ଲେକୁଲେ; ଉବା ଇସ୍ପର ଆର୍ ଅଃମିମଃନାର ମାପୁ କ୍ରିଷ୍ଟର ତଃୟ୍ତୁଣି ଦଃୟା ଆର୍ ସୁସ୍ତା ତର୍ ଉହ୍ରେ ଅଃଉଅ ।

ଜୁଆର୍ ଆର୍ ବଃର୍ସା କଃତା

3 ମର୍ ଦାଦିବାରୁମଃନାର ହର୍ ନିର୍ମୁଲ୍ ମଃନେ ମୁୟ୍ ୍ ଜୁୟ୍ ଇସ୍ପରକେ ହୁଜା କଃରୁଲେ, ଦିନ୍ ରାତି ମର୍ ପାର୍ତନାୟ୍ ସଃବୁବଃଲ୍ ତର୍ ନାଉଁ ଦଃରି ଇସ୍ପରକେ ଜୁଆର୍ କଃରୁଲେ । 4 ମୁୟ୍ ୍ ଜଃନକଃରି ସଃର୍ଦାୟ୍ ହୁରା ଅୟ୍ୟ, ଇଡାର ଗିନେ ତର୍ ଆସୁ ଏତାୟ୍ କଃରି ତକ୍ ଦଃକୁକେ ଅଃନାୟ୍ ମଃନ୍ କଃରୁଲେ । 5 \*କାୟ୍ତାକ୍ ବଃଲେକ୍ ଜୁୟ୍ ନିର୍ମାୟ୍ ବିସ୍ତାସେ ତର୍ ଆୟ୍ଦି ଇଉନିକି ଆର୍ ବୁଡିନାନା ଲଇ ତଃୟ୍ ରିଲି, ଆର୍ ତର୍ତଃୟ୍ ହେଁ ଆଚେ ବଃଲି ମର୍ ବେସି ବିସ୍ତାସ, ତର୍ ସେ ନିର୍ମାୟା ବିସ୍ତାସ୍ କଃତା ମୁୟ୍ ୍ ସୁଣି ଆଚି । 6 ଇଡାର ଗିନେ ମୁୟ୍ ୍ ତକ୍ ଏତାୟ୍ ଦେଉଁଲେ ଜେ, ତର୍ ତଃୟ୍ ଇସ୍ପରାର ଜୁୟ୍ ଦଃୟାର ବର୍ ଦିଆ ଅୟ୍ଆଚେ, ସେରି ଆରେକ୍ ଗଃଟ୍ତର୍ ନଃଉଁଆ କଃର୍ । 7 କାୟ୍ତାକ୍ ବଃଲେକ୍ ଇସ୍ପର ଅଃମିକ୍ ତିର୍ତା ଆମ୍ ନଃଦ୍ୟ, ମଃତର୍ ସଃକ୍ତି, ଲାଡ୍ ଆର୍ ନିକ ବୁଦିର୍ ଆମ୍ ଦଃୟ୍ ଆଚେ ।

8 ତଃବେ ଅଃମିମଃନାର ମାପୁର୍ କଃତା ସାକିଦେତା କଃତାୟ୍, କି ତାର୍ ହାୟ୍ କଃୟ୍ଦକଃଟ୍ ମୁୟ୍ ୍, ମର୍ ଗିନେ ହେଁ ଲାଜ୍ ଅଃଉଅ ନାୟ୍ । ମଃତର୍ ଇସ୍ପରାର ସଃକ୍ତି ହଃକାର୍ରେ ନିକ କବୁରାର ଗିନେ ମର୍ ସଃଙ୍ କଃଷ୍ଟ ସଃମ୍ମାଳା । 9 ସେ ଅଃମିମଃନକ୍ ମୁକ୍ତାୟ୍ ଆଚେ, ଆର୍ ନିର୍ମୁଲ୍ କୁଦାଣେ କୁଦି ଆଚେ, ଅଃମିମଃନାର କାମ୍ କଃଲା ହଃକାର୍ରେ ସେ ନଃକେରେ, ମଃତର୍ ତାର୍ ସଃୟ୍ତ୍ ଆର୍ ଦଃୟା

ହଃକାରେ କଃରିଆଚେ । ସେ ଦଃୟା ଜୁଗ ଆରୁମାର ହୁର୍ବେ ହୁଣି ଜିସୁ କ୍ରିସ୍ଟର ତଃୟ ଅଃମିମଃନକ୍ ଦିଆ ଅୟ୍ରିଲି । <sup>10</sup> ମଃତର୍ ଅଃବେ ଅଃମିମଃନକ୍ ମୁକ୍ଳାଉତା ଲକ୍ କ୍ରିସ୍ଟ ଜିସୁର୍ ଜଃଲମ ଅୟ୍ଲାକ୍ ଇ ସଃବୁ ଜାଣା ହଃଲିଆଚେ; ସେ ମଃନାର୍ ସକ୍ତିକେ ନଃସ୍ କଃଲା ଆଚେ ଆର୍ ନିକ କବୁର୍ ତଃୟ ଜିବନ୍ ଆର୍ ନଃମେର୍ତ୍ତାର୍ ଉଜାଲ୍ ଜାଣାୟ୍ ଆଚେ ।

<sup>11</sup> ☆ସେ ନିକ କବୁରାର୍ ପର୍ତ୍ତାର୍ କଃରୁକେ, ଇସ୍ବର ମକ୍ ଗଟେକ୍ ପେରିଡ୍ ତେଲା ଆର୍ ଗୁରୁହର୍ ବାଟି ଆଚେ । <sup>12</sup> ଇତାର୍ ଗିନେ ହେଁ ମୁୟ୍ ି ଇ ସଃବୁ ଦୁକ୍ ବୟ୍ଗ କଃରୁଲେ; ଅୟ୍ଲେକ୍ ହେଁ ଲାଜ୍ ନଃକେରି, କାୟ୍ତାକ୍ ବଃଲେକ୍ ଜାର୍ତଃୟ୍ ମୁୟ୍ ି ବିସ୍ବାସ କଃରିଆଟି, ତାକେ ମୁୟ୍ ି ଜାଣି, ଆର୍ ମୁୟ୍ ି ତାର୍ ଆଚେ ଜାୟ୍ରି ସଃହୁଆଟି, ସେରି ବଃଡ୍ ବିଚାର୍ ଦିନ୍ ହଃତେକ୍ ଦଃରିରେଉକ୍ ତାର୍ ସଃକ୍ତି ଆଚେ, ଇରି ମୁୟ୍ ି ସଃଡ୍ କଃରି ବିସ୍ବାସ କଃରୁଲେ । <sup>13</sup> ମର୍ତଃୟ୍ ହୁଣି ଜୁୟ୍ ସବୁ ଉହକାର କଃତା ସୁଣି ଆଚାସ୍, କ୍ରିସ୍ଟ ଜିସୁର୍ କଃତା ବିସ୍ବାସ୍ ଆର୍ ଲାଡେ ନିକକଃରି ସେରି ଦଃରିରେ । <sup>14</sup> ତର୍ ଆଚେ ଜୁୟ୍ ବଃଡ୍ ନିକ ବିସୟ୍ମଃନ ଦିଆ ଅୟ୍ଆଚେ, ସେରି ଅଃମିମଃନାର୍ ତଃୟ୍ ବାସାକ୍ତା ପବିତ୍ର ଆମ୍ବାର୍ ସଃକ୍ତିୟେ ସଃଜାଉଆ ।

<sup>15</sup> ଆସିଆର୍ ସଃବୁଲକ୍ ମକ୍ ଚାଡ୍ଲାୟ୍ ଆର୍ଡି, ଇରି ତୁୟ୍ ଜାଣିଆର୍ସି; ପୁଗେଲ୍ ଆର୍ ହର୍ମିଗେନା ସେମଃନାର୍ ବିଡ୍ରେ ଆର୍ଡି । <sup>16</sup> ଅନିସିପରାର୍ ଗଃର୍ କୁଟୁମଃକ୍ ମାପୁ ଦଃୟା କଃର, ବଃଲେକ୍ ସେମଃନ ଗାଦେକ୍ ତର୍ ଆସି ମର୍ ଦୁକ୍ ହାସ୍ତାୟ୍ ଆର୍ଡି, ଆରେକ୍ ମୁୟ୍ ି ଆଡ୍ ଦଃଣ୍ଡା ହିନ୍ଲା କଃତାୟ୍ ହେଁ ସେମଃନ ଲାଜ୍ ନଃଉଡି । <sup>17</sup> ମଃତର୍ ସେ ରମିଅ ଗଃଲେ ହର୍ଲା ଦାହ୍ରେ ମକେ ଜଃତୁନେ ଲଳି ମର୍ ସଃଜ୍ ବେଟ୍ ଅୟ୍ଲା । <sup>18</sup> ବଃଡ୍ ବିଚାର୍ ଦିନ୍ ସେ ଜଃନକଃରି ମାପୁର୍ ଦଃୟା ହାୟ୍ଦ୍, ଇରି ମାପୁ ତାକେ ଦଃୟା କଃର, ଆର୍ ଏପିସିଏ ସେ କଃନକଃରି ବୁଡେକ୍ ଜଃତୁନ୍ କଃରିଆଚେ, ସେରି ତୁମି ନିକକଃରି ଜାଣିଆଚାସ୍ ।

## 2

### କ୍ରିଷ୍ଟ ଜିସୁର ମାୟନକାରି ସଃୟନ

1 ତଃବେ, ଏ ମର ହଅ, କ୍ରିଷ୍ଟ ଜିସୁର ତଃୟ ମିସଲ୍ଲାକେ ଜୁୟ ଦଃୟା ହାୟଲିସ୍, ସେତି ତୁୟ ବପୁ ଅଃଉ । 2 ଆର୍ ଗାଦା ସାକି ମଃନକାର ମୁର୍ବ୍ ଜୁୟ ସଃରୁ କଃତା ମର ତଃୟ ହୁଣି ସୁଣି ଆତାସ୍, ଜୁୟମଃନ ବିନ୍ ଲକ୍ମଃନକେ ହେଁ ସିକାଉଁକେ ହାତ୍, ଇ ରକମ୍ କଃତା ମାନତା ବିସ୍ପାସି ଲକ୍ମଃନକାର ତଃୟ ସେରିମଃନ ସଃହି ଦେସ୍ ।

3 କ୍ରିଷ୍ଟ ଜିସୁର ଗର୍ ନିକ ସଃଇନ୍ ହର୍ ତାର୍ ଗିନେ କଃସ୍ ସଃମ୍ବାଲ୍ । 4 ଜୁୟ ଲକ୍ ସଃଇନ୍ କାମ୍ କଃରି ଜଃଗତାର୍ ବିନ୍ କାମେ ମଃନ ନଃଦେୟ୍, ଜଃନକଃରି ସଃଇନ୍ ହଃଦ୍ ଦଃୟରିଲା ଲକ୍କେ ସେ ସଃରୁ ଦିନ୍ ସଃର୍ଦା କଃରାଉଁ ହାରେ । 5 ଆରେକ୍ ହେଁ ଜଦି ଗର୍ କୁୟ୍ ଲକ୍ କେଲ୍ତା ତଃୟ କେଲୁକ୍ ମିସେଦ୍, ସେ ବିଦି ହଃର୍କାରେ ସେରି ନଃକେଲେକ୍ ସେ ପୁରିସ୍ବାର୍ ହାଉଁ ନାହାରେ । 6 ଜୁୟ ତାସି କଃସ୍ କଃରି ତାସ୍ ଉବ୍ଜାୟଦ୍, ସେ ତାସି ହଃଲ୍ଲା ତାସାର୍ ହଃର୍ତ୍ତ୍ ବାଗ୍ ହାଉତା ଜୟଗ୍ । 7 ମୁୟ୍ ୍ ଜୁୟରି କଃଉଁଲେ, ସେରି ମଃନେ ଏତାଉ; ମାପୁ ତକ୍ ସଃରୁ କଃତାର୍ ଅଃର୍ତ୍ ବୁଜୁକ୍ ସଃଲ୍ଲି ଦଃୟଦ୍ ।

8 ମୁୟ୍ ୍ ପର୍ଗାର୍ କଃଲା ନିକ କରୁର୍ ହଃର୍କାରେ ମଃଲା ଲକ୍ମଃନକାର୍ ବିତ୍ତେ ଉଟିଆତେ ଆର୍ ଦାଉଦ୍ ବଃଉଁସେ ଜଲମ୍ ଅୟଲାର୍ ଜିସୁ କ୍ରିଷ୍ଟକେ ଏତାଉ । 9 ସେ ନିକ କରୁରାର୍ ଗିନେ ମୁୟ୍ ୍ ଦସିହର୍ ଆଡ୍ଦଃଣ୍ଡା ହିନ୍ତା ହ୍ତେକ୍ କଃସ୍ ବୟଗ୍ କଃରୁଲେ; ମଃତର୍ ଇସ୍ବାର୍ କଃତାକ୍ କେ ସିକ୍ଲି ସଃଙ୍ଗ୍ ବାୟୁ ନାହାରେ । 10 ତଃବେ ଇସ୍ବର ବାଚ୍ଲା ଲକ୍ମଃନହେଁ ଜଃନକଃରି ଅଃମ୍ବର ଜଃଜମାନ୍ ସଃଙ୍ଗ୍ କ୍ରିଷ୍ଟ ଜିସୁ ଦିଲା ମୁଲ୍ଲି ହାଉତି । ଇତାର୍ ଗିନେ ମୁୟ୍ ୍ ସେମଃନକାର୍ ହାୟ୍ ୍ ସଃରୁ କଃତା ସାସ୍ ଦଃରି ସଃମ୍ବାଲୁଲେ ।

11 ଇ କଃତା ସଃତ୍ୟା,

“ଜଦି ଅଃମିମଃନ ତାର୍ ସଃଙ୍ଗ୍ ମଃରି ଆରୁ,

ତଃବେ ତାର୍ ସଃଙ୍ଗ୍ ହେଁ ବରୁୟ୍ ।

12 \*ଜଦି ଅଃମିମଃନ ସାସ୍ଦଃରି ସମ୍ବାଲୁୟ୍,

ତଃବେ ତାର ସଃଙ୍ଗ ହେଁ ରାଜ୍ କଃରୁୟ୍;  
ଜଦି ଅଃମିମଃନ୍ ତାକେ ମାନ୍ତି ନଃକେରୁ,

ତଃବେ ସେ ହେଁ ଅଃମିମଃନ୍ କ୍ ମାୟ୍ ନଃକେରେ ।

13 ଜବେ ଅଃମିମଃନ୍ ଅବିସ୍ତାସେ ରେଉଁୟ୍,

ତଃବେ ହେଁ ସେ ସଃବୁବଃଲ୍ ସଃତେ ରଃୟ୍,

କାୟ୍ତାକ୍ବଃଲେକ୍ ସେ ଅଃହ୍ଣାକ୍ ମିର୍ ବଃଲି କଃଉ ନାହାରେ  
।”

### ନିକ ସେବାକାରି

14 ଇସଃବୁ କଃତା ଏତୁକଃରାୟ୍ ସୁଣ୍ଡା ଲକାର୍ ଉହ୍କାର୍ ନୟ୍ଲାର୍ ଆର୍ ନାସ୍ ଅଃଉତା କଃତାକ୍ ଦଃରାଦଃରି ନଃଉଁକେ ସେମଃନ୍କେ ମାପୁର୍ ମୁର୍ବି ନିକକଃରି ଆଦେସ୍ ଦେସ୍ । 15 ସଃଡ୍ କଃତାକ୍ ଚିକ୍ବାବେ କୟ୍କଃରି, ଜୁୟ୍ କାମ୍ କଃତା ଲକାର୍ ଲାଜ୍କଃତା ଲଳାନାୟ୍, ତାରହ୍ଃର ଇସ୍ବାର୍ ତଃୟ୍ ଆହ୍ଣାକେ ନିର୍ଦ୍ଦସି ବଃଲାୟ୍ ଅଃଉଁକେ ଜଃତୁନ୍ କଃର । 16 ମଃତର୍ ଅଃସାର୍ କଃତାବାର୍ତା ତଃୟ୍ହୁଣି ଦୁରିକ୍ ଅୟ୍ରେ, ବଃଲେକ୍ ଜୁୟ୍ମଃନ୍ ସେତି ଲାଗିରେତି, ସେମଃନ୍ ହାହେ ଅଃଦିକ୍ ବାଡ୍ତି । 17 ଆର୍ ସେରଃକମାର୍ ସିକ୍ୟା ହୁଜ୍ ଅୟ୍ଲା ଗାଉ ହର୍ କରିଅୟ୍ କାୟ୍ ଜାୟ୍, ସେମଃନାର୍ ବିଡ୍ରେ ହୁମନାୟ୍, ଆର୍ ପିଲିତ ସେରଃକମା; 18 ସେମଃନ୍ ମଃନେହୁଣି ଉର୍ତ୍ତାର୍ ଅୟ୍ ସଃଲ୍ ନି କୟ୍ ସଃତେ ହୁଣି ବାଟ୍ ବାଣା ଅୟ୍ଆର୍ତି, ଆର୍ କଃତିଲକାର୍ ବିସ୍ତାସ୍କେ ଉଲ୍ଟା କଃରି ଆର୍ତି । 19 ଅୟ୍ଲେକ୍ ହେଁ ଇସ୍ବର୍ କଃଲା ଅଃଟୁଆ କୁନାଦି ତାଟ୍ ଆଚେ, ଆର୍ ତାର୍ ଉହ୍ଃ ଇରି ସିଲ୍ହଃଲି ଆଚେ, ମାପୁ ନିଜାର୍ ଲକ୍ମଃକେ ଜାଣି ଆଚେ, ଆର୍ ଜେ ହେଁ ମାପୁର୍ ନାଉଁ ଦଃରେଦ୍, ସେ ଅଃଦଃର୍ମେ ହୁଣି ଦୁରିକ୍ ରେଉଅ ।

20 ଗଟ୍ ବଃଡ୍ ଲକାର୍ ଗଃରେ ଅଃକାୟ୍ ସନା ଆର୍ ରୁହାର୍ ତଃୟ୍ ତିଆର୍ ଅୟ୍ଲା ଆସ୍ତି ରଃୟ୍, ସେରି ନାୟ୍, ମଃତର୍ ଗଃଚାର୍ ଆର୍ ମାଟିର୍ ଆସ୍ତି ହେଁ ରଃୟ୍; କଃତେକ୍ତାକ୍ ଲାଡ୍ କଃରୁକେ ଅୟ୍ ଆର୍ କଃତେକ୍ତାକ୍ ଲାଡ୍ କଃରି ନୟ୍ । 21 ତଃବେ, ଜଦି କେ ସେ ସଃବୁଲକାର୍ ତଃୟ୍ହୁଣି ନିଜ୍କେ ନିର୍ମୁଲ୍ କଃରେଦ୍, ତଃନ୍ ଅଲେ

ସେ ନିର୍ମୂଲ୍, ସାଉକାରାର କାମେ ଲାଗତା ଜୟଗ, ଆର ସେ ସଃବୁ ନିକ କାମାର ଗିନେ ତିଆର ଅୟ, ଇରଃକମେ ସଃବକାର ଗିନେ ଗର୍ ଲାଡାର ଅୟଦ୍ । <sup>22</sup> ମଃତର୍ ତୁମି ବେଣ୍ଡ୍ୟାବଃଲାର କଃରାବ୍ ଇତାୟ ହୁଣି ଦୁରିକ୍ ରିଆ, ଜୁୟମଃନ୍ ନିର୍ମୂଲ୍ ମଃନେ ମାପୁହାକ୍ ପାର୍ଦନା କଃତ୍ ସେ ମଃନକାର ସଃଙ୍ଗ ଦଃମ୍, ବିସ୍ୱାସି, ଲାଡ୍ ଆର ସୁସ୍ତାର ହଃତେ ହଃତେ ଇଣ୍ଡା । <sup>23</sup> ବୁଦି ନୟଲାର ଆର ହଲ୍ୟା କଃତା କଃତା ଲକ୍ମଃନାର ତଃୟ ହୁଣି ଦୁରିକ୍ ରିଆ, କାୟତାକ୍ବଃଲେକ୍ ଇରଃକମ୍ କଃତାମଃନ୍ ଅଃବକା ଗଃଣ୍ଡଗଲ୍ ଉବ୍ଜାୟଦ୍ । <sup>24</sup> ମାପୁର୍ ଗତିଦଃଙ୍ଗଲା ଗଃଣ୍ଡଗଲ୍ କଃତା ନିକ ନାୟ, ମଃତର୍ ସେ ସଃବୁ ଲକାର ତଃୟ ଦିର୍ ଆର ନିକ ସିକ୍ୟା ଦେତା ଲକ୍ ଅଃତା ଦଃକାର୍ । <sup>25</sup> ଆର ସଃମ୍ପାଳତା ଲକ୍ ଅଃତା ଦଃକାର୍, ବିରଦି ଲକ୍କେ ଦିର୍ସୁସ୍ତାୟ ବୁଜାତା ଦଃକାର୍; ତଃନ୍ଅଲେ କେଜାଣ୍ ଇସ୍ତର୍ ସେମଃନକେ ସିଃତ୍ କଃତା ଜାଣୁକ୍ ମଃନ୍ ବାଦ୍ଲାତା ବଃର୍ ଦଃୟଦ୍ । <sup>26</sup> ଆର ଜୁୟ ସୟତାନ୍ ସେମଃନକେ ତାର ଇତା ହୁରୁଣ୍ କଃରୁକେ ବାୟଲି ଆରେ, ଚେଡନା ଅୟ ତାର ହାୟାୟ ହୁଣି ମୁକୁଳ୍ତି ।

### 3

#### ସେସ୍ ଦିନ୍

<sup>1</sup> ମଃତର୍ ଇରି ଜାଣିରିଆ ଜେ, ସେସ୍ କାଲେ ବୟଃଙ୍କାର୍ ବେଲା ଆସେଦ୍ <sup>2</sup> କାୟତାକ୍ବଃଲେକ୍ ଲକ୍ମଃନ୍ ନିଜ୍ଜକେ ଲଃବଦ୍ କଃତ୍, ଦଃନ୍ଲଃବି, ଆହ୍ଣାକେ ଗଃର୍, ଆକାରିଆ, ଲିୟାକଃରୁ, ଆୟସି ଉବାସିର୍ ଅମାନ୍ୟା, ଉହକାର୍ ହାସ୍ତାର୍, ବିଗାଲ୍ <sup>3</sup> ଦଃୟା ନଃକେତ୍, କାର୍ ସଃଙ୍ଗ ନଃମିସ୍ତାର୍, ଲିୟା କଃତାର୍, ନଃସେମ୍ପାଳ୍ତାର୍, କଃନ୍ଆ, ନିକରିକେ ଲାଡନଃକେର୍ତାର୍, <sup>4</sup> ବିସ୍ୱାସେ ବିସ୍ ଦେତି, କଃରାବ୍ କାମ୍ କଃରୁକେ ବଃଡେସାସି, ବଃଡହାଣ୍ୟା ଅଃତତି ଆର ଲାଡକାରି ଇସ୍ତର୍କେ ଲାଡ୍ ନଃକେରି ସଃର୍ଦାକଃରୁକ୍ ବଃଲ୍ହାତତି । <sup>5</sup> ସେମଃନ୍ ଦଃର୍ମାର୍ ହଃଦାବାଚାର୍ ବେସ୍ ଦଃତ୍, ମଃତର୍ ଇତାର୍ ସଃକ୍ତକେ ଚାଡିଦେତି, ଅନକା ଲକାର ତଃୟହୁଣି ଦୁରିରିଆ । <sup>6</sup> ବଃଲେକ୍ ଇମଃନାର୍ ବିଡେ

ଅଧନକା ଲକ୍ମଣନ ଆଚ୍ଚତି, ଜୁୟମନ ଗଠରେ ଗଠରେ ହୁରି ହାହାର ବଜେ ଆର୍ ବିନ୍‌ବିନ୍ ରଠକମାର କଠରୁକେ ଇଚାୟ ଚାଲ୍‌ତା ବୁଦି ନୟଲା ମାୟଜିମନକେ ନିଜାର ଆୟତେ ରଠକତି । 7 ଇ ମାୟଜିମନ ସଠବୁବଠଲ୍ ସିକ୍ତି ରିଲେକ୍ ହେଁ ସଠଡ଼ ଜାଣୁକ୍ କଠବେ ହେଁ ନଠହାର୍ଚ୍ଚି । 8 ଆର୍ ଜଠନକଠରି ଜନିସ୍ ଆର୍ ଜମ୍ପିସ୍ ମସାର୍ ବାଦା ଦେତି ରିଲାୟ, ସେନକଠରି ଇ ଲକ୍ମଣନ ହେଁ ସଠଡାର୍ ବାଦା ଦେତି; ମୁଣ୍ଡବଠୟା ଅୟ ବିସ୍ବାସ୍ କଠତାୟ ଟିକ୍ ଗ୍ୟାନେ ହୁର୍ନୁ ନଠଉତି । 9 ମଠତର୍ ସେମନ ଆରେକ୍ ଅଠଦିକ୍ ଆଗ୍ତୁ ଜଠଉ ନଠହାର୍ଚ୍ଚି, ବଠଲେକ୍ ସେ ଦୁୟ ଲକାର୍ ଅରୁଜ୍ୟାହାଣ୍ ଜଠନକଠରି ଜାଣାହ୍‌ଲିରିଲି, ସେରକଠମ୍ ଇ ଲକାର୍ ହେଁ ସଠବୁ ଲକାର୍ ତଠୟ ନିକକଠରି ଜାଣାହ୍‌ଲେଦ୍ ।

**ସଠରାସଠରି କଠତା**

10 ମଠତର୍ ତୁମି ମର୍ ସିକ୍ୟା, ଚାଲାଚାଲ୍‌ତି, ଇଚା, ବିସ୍ବାସ୍, ସଠମ୍ବାଲ୍‌ତାର୍, ଲାଡ଼, ସାସ୍ 11 ☆ତାଳନା ଆର୍ ଦୁକ୍ ବୟଗ୍ କଠରିଆଚାସ୍, ଆନ୍ତ୍ରସିକିଆ, ଇକନିଆ, ଆର୍ ଲୁସ୍ତାୟ ମକ୍ ସେରଠକମ୍ ତାଳନା ଅୟରିଲି; ମୁୟ୍ ଯେରି ସଠମ୍ବାଲିରିଲେ, ଆର୍ ମାପୁ ମକ୍ ସେ ସଠବୁ ତଠୟ ହୁଣି ରଠକ୍ୟା କଠରି ରିଲା, 12 ସଠତ୍ୟାକଠରି ଜୁୟମନ କ୍ରିସ୍ଟ ଜିସ୍ତର୍ ତଠୟ ଦଠର୍ମ ଜିବନ୍ କାଟୁକ୍ ମଠନକଠତ, ସେମନ ତାଳନା ବୟଗ୍ କଠତ । 13 ମଠତର୍ ଦୁସ୍ତଲକ୍ ଆର୍ ମିରୁଆମନାର୍ ବାଟ୍ ମଠର୍ ହାକ୍ କାତାୟ ନଠୟଦ୍, ସେମନ ବିନ୍ ଲକେ ବୁଲକାୟ କଠରି ହଠଚେ ନିଜ୍‌କେ ଜଠଚେଦ୍ । 14 ମଠତର୍ ଦୁୟ୍ ଜୁୟ୍ ଜୁୟ୍‌ରି ସିକ୍ୟା ହାୟଆଚ୍‌ସି, ଆର୍ ଜୁୟ୍ କଠତାମନ ସଠଡ଼ ବଠଲି ଜାଣିଆଚ୍‌ସି, ସେ ସଠବୁ ତଠୟ ତିର୍ ଅୟରେ, ବଠଲେକ୍ ଦୁୟ୍ ଜାଣୁଲିସ୍ କାର୍ ତଠୟହୁଣି ସେରିମନ ସିକି ଆଚ୍‌ସି 15 ଆରେକ୍ ଜୁୟ୍ ଦଠର୍ମସାସ୍ତର୍ ଜିସ୍ଟୁ କ୍ରିସ୍ଟର୍ ତଠୟ ବିସ୍ବାସ୍ କଠଲେକ୍ ତକ୍ ମୁକ୍ଳାଉତା ଗିଆନ୍ ଦେଉଁ ହାରେ, ସେରି ଦୁୟ୍ ହିଲାବଠଲ୍‌ହୁଣି ଜାଣିଆଚ୍‌ସି । 16 ସଠବୁ ସାସ୍ତର୍ ଇସ୍ତର୍ କୟଲାକ୍ ଲେକଲା ଆର୍ ସଠଡ଼ ସିକ୍ୟା, ବୁଲ୍ କଠଲେକ୍ ଉଲ୍‌ତାର୍, ସୁଦାତାର୍, ଆର୍ ଦଠର୍ମ ଅଠଉତା ବିସୟେ ସାସନାର୍

☆ 3:11 ଶ୍ୱା:୧୧ ପେରି ୧୩:୧୪-୧୨; ପେରି ୧୪:୧-୭; ପେରି ୧୪:୮-୨୦.

ହାୟ୍ ଉତ୍ତରାରି, 17 ଜଣନକଠରି ଇସ୍ପରାର ଲକ୍ ହୁର୍ନ୍ ଅୟ୍ ସଃବୁ  
ରଃକମାର ନିକ କାମାର ଗିନେ ଜୟ୍ ଉତ୍ତରାରି ।

## 4

1 ମୁୟ୍ ଉତ୍ତରାର ମୁୟ୍, ଆର୍ ଜୁୟ୍ ଜିସୁକ୍ରିସ୍ଟର୍ ମୁୟ୍ ଜେ  
କି ମଃଲୀ ଲକ୍ ଆର୍ ଜିବନ୍ ରିଲୀ ଲକ୍ ମଃନକେ ହେଁ ବିଚାର  
କଃରୁକେ ଜଃଉଲୀ, ତାର ମୁୟ୍, ଆର୍ ତାର ଆରେକ୍ ଆସ୍ତାର ଆର୍  
ରାଜଜାର ସଃୟ୍ତ କଃରି ତକ୍ ଆଦେସ୍ ଦେଉଁଲେ । 2 ମାପୁର୍  
କଃତା ପର୍ଗାର କଃର, ବେଳା କି ଅବେଲାୟ୍ ହେଁ ସେତିର୍ ଦିଆନ୍  
ଦେସ୍, ହୁରା ସଃମ୍ବଲିକଃରି ସିକ୍ୟାଦଃୟ୍ ବୁଜାୟ୍ ଦଃମକି ଦେସ୍ ଆର୍  
କଃତେ କଃତେବଃଲ୍ ବଃରସା ଦେସ୍ । 3 ବଃଲେକ୍ ବେଳା ଆସେଦ୍,  
ଜଃତେବଃଲ୍ ସେମଃନ ନିକ କଃତାର ସିକ୍ୟା ନଃସୁଣ୍ଡି, ମଃତର୍  
ସୁଣ୍ଡିକ୍ ମଦୁର୍ କଃତାୟ୍ ସଃର୍ଦାୟ୍ ଇଚା ହଃକାରେ ନିଜାର ହାୟ୍  
ଗାଦାଗର୍ ଗୁରୁମଃନକେ କୁଦ୍ତି । 4 ଆର୍ ସଃତ୍ କଃତାୟ୍ କାନ୍  
ନଃଦେୟ୍ ମଃନେହାଜି କୟ୍ଲୀ କଃତାୟ୍ ମଃଦେତି । 5 ମଃତର୍ ତୁୟ୍  
ସଃବୁ କଃତାୟ୍ ଜଃଗ୍ରାଡ୍ ଅଃଉ, ଦୁକ୍ ସଃମ୍ବଲ, ନିକ କବୁର୍ ପର୍ଗାର  
କଃର, କାମ୍ କଃର, ତର୍ ସେବାର କାମ୍ ହୁରୁଣ୍ କଃର ।

6 ମର୍ ଜିବନ୍କେ ହୁଜା ଦଃୟ୍ ଇ ଜଃଗ୍ରାଡ୍କେ ଚାଡି ଜାତା ବେଳା  
ଆସି ଆଚେ । 7 ମୁୟ୍ ନିକ ଜୁଜେ ହଃରାଣ୍ ଦଃୟ୍କଃରି ଜୁଜ୍ କଃରି  
ଆଚି, ସଃରାସଃରି ହଃତେକ୍ ଦଃବ୍ଲୁଲେ ଆଚି, ମୁୟ୍ ବିସ୍ତାସକେ  
ଦଃରି ଆଚି । 8 ଆଜି ହଃତେକ୍ ମର୍ ଗିନେ ଦଃର୍ମାର ମୁକ୍ତ୍  
ସଃକ୍ଷାୟ୍ ଆଚେ, ସେରି ସେ ବିଚାର ବିନ୍ ନ୍ୟାୟ୍ ବିଚାର କଃର୍ତା  
ମାପୁ ମକେ ଦଃୟ୍, ମଃତର୍ ମକେ ହଃକା ନୟ୍ ଜୁୟ୍ମଃନ ତାର  
ଆୟ୍ଲେକ୍ ଲାଡାର ଅଃଉତି, ସେ ସଃବ୍କେ ହେଁ ଦଃୟ୍ ।

### ନିଜାର କଃତା

9 ବେଗି ମର୍ ତଃୟ୍ ଆସୁକ୍ ଜଃତୁନ୍ ଅଃଉ 10 \*ବଃଲେକ୍ ଦିମା  
ଇ ଅଃବାର ଜଃଗ୍ରାଡ୍ ଲାଡ୍କଃରି ମକେ ଚାଡ୍ଲୀ ଆଚେ ଆର୍  
ତେସଲନିକିକେ ଜାୟ୍ଆଚେ, କ୍ରେସକେନେସ୍ ଗାଲାତିଆକେ, ଆର୍

☆ 4:10 ୪:୧୦ କଲ ୪:୧୪; ପିଲିମ ୧:୨୪; ୨ କର ୮:୨୩; ଗାଲା ୨:୩; ତିତ ୧:୪.



ତିତସ୍ ଦଲୁତଆକୁ ଜାୟ ଆର୍ତ୍ତି । 11 ☆ଏକ୍ଲା ଲୁକ ହଃକା ମର୍ ସଃଙ୍ଗ୍ ଆରେ, ମାର୍କକେ ମିସ୍‌ଣେ ତର୍ ସଃଙ୍ଗ୍ ଆଣ୍; ବଃଲେକ୍ ସେ ମର୍ ସେବା କାମେ ଉହ୍‌କାର୍ କଃରେଦ୍ । 12 ☆ମୁୟ୍ ଡୁକିକକେ ଏପିସିଏ ହଃଟାୟ୍ ଆତି ।

13 ☆ତ୍ରୟାୟ କାର୍ପର୍ ଲଃଗେ ମୁୟ୍ ଡୁୟ୍ ଆଙ୍ଗି ଚାତି ଆସିଆତି, ତୁୟ୍ ଆସ୍ତା ବଃଲ୍ ସେରି ଆର୍ ପୁସ୍ତକ୍‌ମଃନ୍, ମୁଲ୍‌କଃରି ଚାମେ ତିଆର୍ କଃଲା ପୁସ୍ତକ୍‌ମଃନ୍ ଆଣ୍ ।

14 ☆କାସାରି ଆଲେକ୍‌ଜେଣ୍ଡାର୍ ମର୍ ବୁତେକ୍ ନଃସ୍ଟ କଃଲା ଆରେ; ମାପୁ ତାର୍ କାମ୍ ହଃକାରେ ତାକେ ତଃଣ୍ ଦଃୟ୍ଦ୍ । 15 ତୁୟ୍ ହେଁ ତାର୍ ତଃମେ ଜଃଗ୍ରାଡ୍ ରେଏ, ବଃଲେକ୍ ସେ ଅଃମିମଃନାର୍ କଃତାର୍ ଅଃନାୟ୍ ବିରଦ୍ କଃରି ରିଲା ।

16 ମର୍ ହଃର୍ଡୁ ନିଜାର୍ ସାକି ଦେତା ବଃଲ୍ କେହେଁ ଆତି ନୟ୍‌ଲାୟ୍, ମଃତର୍ ସଃବୁଲକ୍ ଚାତିଦିଲାୟ୍, ଇରି ସେମଃନ୍‌କାର ବିରଦେ ଗଣିତା ନଃଅ । 17 ମଃତର୍ ମାପୁ ମର୍ବାଟ୍ୟା ଅୟ୍ ମକେ ବଃଲ୍ ଦିଲା ଆର୍ ମୁୟ୍ ସିଅଁବାଗାର୍ ମୁଏଁ ହୁଣି ରଃକ୍ୟା ହାୟ୍‌ଲେ, ଜଃନ୍‌କଃରି ମର୍ ତଃୟ୍‌ହୁଣି ନିକ କରୁର୍ ହୁରୁଣ୍ କଃରି ପର୍ଗାର୍ ଅଃଉଁ ହାରେ ଆର୍ ଅଜିଉଦି ଲକ୍‌ମଃନ୍ ସେରି ମୁଣ୍ ହାତ । 18 ମାପୁ ମକ୍ ସଃବୁ କଃରାବ୍ କାମେ ହୁଣି ମୁକ୍‌ଲାୟ୍ ଆର୍ ମକ୍ ମୁକ୍‌ଲାୟ୍ କଃରି ନିଜାର୍ ସଃର୍ଗ୍ ରାଇଜେ ନଃୟ୍ଦ୍, ଜୁଗେଜୁଗେ ତାର୍ ଜଃଜ୍‌ମାନ୍ ଅଃଉଅ । ଆମେନ୍ ।

**ସଃରାସଃରି ଜୁଆର୍**

19 ☆ପ୍ରିସ୍‌ଲିଲା, ଆର୍ ଆକିଲା ଆର୍ ଅନିସିପରାର୍ ଗଃର୍ କୁଟୁମକେ ମର୍ ଜୁଆର୍ ଜାଣାଉ । 20 ☆ଏରାସ୍ଟୁ କରନ୍ତିୟେ ଆରେ, ମଃତର୍ ତ୍ରପିମ୍ ମଃଲୁହଃତି ରିଲାକେ ମୁୟ୍ ଡାକେ ମିଲିତିୟେ ଚାତି ଆୟ୍‌ଲେ ଆତି ।

---

☆ **4:11** ୪:୧୧ କଲ ୪:୧୪; ପିଲିମ ୧:୨୪; ପେରି ୧୨:୧୨,୨୫; ୧୩:୧୩; ୧୫:୩୭-୩୯; କଲ ୪:୧୦; ପିଲିମ ୧:୨୪. ☆ **4:12** ୪:୧୨ ପେରି ୨୦:୪; ଏପି ୬:୨୧,୨୨; କଲ ୪:୭,୮. ☆ **4:13** ୪:୧୩ ପେରି ୨୦:୬. ☆ **4:14** ୪:୧୪ ୧ ତିମ ୧:୨୦; ରମି ୨:୬. ☆ **4:19** ୪:୧୯ ପେରି ୧୮:୨; ୨ ତିମ ୧:୧୬,୧୭. ☆ **4:20** ୪:୨୦ ପେରି ୧୯:୨୨; ରମି ୧୬:୨୩; ପେରି ୨୦:୪; ୨୧:୨୯.

21 ତୁୟ ସିଡ଼ ଆସ୍ତା ହୁବେ ଆସୁକ୍ ଜଃତୁନ୍ କଃର୍ । ଇଉବୁଲ୍, ପୁଦେନସ୍, ଲିନ୍, କ୍ଲାଉଦିଆ ଆର୍ ବାୟ୍‌ବେଣିମଃନ୍ ତକେ ଜୁଆର୍ ଜାଣାଉଲାୟ୍ ।

22 ମାପୁ ତର୍ ଆମ୍ ସଃଙ୍ ରେଉଅ । ତୁମାର୍ ଉହେ ଦଃୟା ଅଃଉଅ ।

**ସଂଗୀତ ବାବୁ ନଂଷ୍ଟା ନିଅମ୍**  
**The New Testament in the Bodo Parja language of India**

copyright © 2020 The Word for the World International

Language: ବଡ଼ ପରଜା (Bodo Parja)

Contributor: The Word for the World International

**ସଂଗୀତ ବାବୁ ନଂଷ୍ଟା ନିଅମ୍**

The New Testament in Bodo Parja Language

The Word for the World

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-06

---

PDF generated using Haiola and XeLaTeX on 21 Feb 2024 from source files dated 7 Apr 2023

bd555ec3-1c47-52d5-9510-170234870e46